



220200 Богот шаҳарчаси, Ўзбекистон кўчаси, 18 уй. Тел: 31-52-807, факс: 31-52-425

2020 йил "31" Март

№ 671а

Богот шаҳарчаси

**Богот туман ҳокимлиги ходимларини моддий рағбатлантириш
чора-тадбирлари тўғрисида**

Ўзбекистон Республикаси Президенти Ш.М.Мирзиёевнинг 2020 йил 12-13 март кунлари Хоразм вилоятига ташрифи давомида берилган топшириқлар ва кенгайтирилган тарзда ўтказилган (23.03.2020 йил 02-1013-сонли) мажлис баёнининг 16-банди, Ўзбекистон Республикаси Бюджет кодексининг 28, 73 ва 119-моддалари ҳамда "Маҳаллий давлат ҳокимияти тўғрисида"ги қонуннинг 24-моддасига мувофиқ туман ҳокимлиги ходимларининг иш самарадорлиги ва масъулиятини ошириш учун уларнинг меҳнатини моддий жиҳатдан қўллаб-қувватлаш мақсадида

Қарор қиламан:

1. Ўзбекистон Республикаси Президенти Ш.М.Мирзиёевнинг 2020 йил 12-13 март кунлари Хоразм вилоятига ташрифи давомида берилган топшириқлар ва кенгайтирилган тарзда ўтказилган 17-сонли мажлис баёнининг 16-бандига мувофиқ туман ҳокимлиги ходимларининг иш самарадорлиги ва масъулиятини ошириш учун уларнинг меҳнатини моддий жиҳатдан қўллаб-қувватлаш мақсадида иш ҳақига қўшимча равишда ҳар ойлик устама ва озиқ-овқат тўловларини амалга ошириш таклифлар маъқулланганлиги инобатга олинсин.

2. 2020 йилнинг 1 апрелидан бошлаб туман ҳокимлиги аппаратининг гуруҳ раҳбарлари, барча мутахассисларига ва ходимларига лавозим маошининг 100 фоизи миқдорида ҳар ойлик устама ҳамда меҳнатга ҳақ тўлашнинг энг кам миқдорини бир баравари миқдорида озиқ-овқат тўловлари белгилансин.

3. Туман молия бўлими (Ж.Рўзметов)га қўшимча тўловларни қоплаш учун туман маҳаллий бюджетининг қўшимча манбалари ҳисобидан туман ҳокимлигига 675 425 576 (олти юз етмиш беш миллион тўрт юз йигирма беш минг беш юз етмиш олти) сўм миқдорида маблағлар ажратилишини таъминлаш топширилсин.

4. Туман ҳокимлиги бош ҳисобчиси (Ш.Куронбоев) ажратиладиган маблағларни белгиланган тартибда мақсадли ишлатилишини таъминласин.

5. Ушбу қарор Халқ депутатлари туман Кенгашининг навбатдаги сессияси

тасдиғига киритилсин.

6. Мазкур қарорнинг ижросини назорат қилиш туман ҳокимининг молия-иқтисодиёт ва камбағалликни қисқартириш масалалари бўйича биринчи ўринбосари С.Қурбонов зиммасига юклатилсин.

Боғот тумани ҳокими



О.Холбоев